

HITZ BITAN



JORGE SANCHEZ / AP

Turbay Cote legebiltzarkidea eta ibilgailuan zihoazen beste lagunak, hilik —haren ama tartean—, Florencia eskualdeko errepide batean.

KOLONBIA

Turbay legebiltzarkidea FARCEk hil duela uste du Pastrana presidenteak

Andres Pastrana Kolonbiako presidenteak atzo adierazi zuenez, Diego Turbay Cote legebiltzarkidea FARCE Kolonbiako Indar Armatu Iraultzaileak taldeak hil duela esateko «zantzu sendoak» daude.

Gizon talde batek hil zuen, ostiralean, legebiltzarkidea, beronen ama eta haiekin autoan zihoazen lagunak. Pastrana presidenteak adierazi zuen ekin tzak «arriskuan jartzen» duela bake prozesua. Gaineratu zuenez, FARCEk hilketaren erantzukizuna bere gain hartu eta «krimen nardagarri horren egi leak entregatu beharko ditu».

Kolonbiako bake elkarrizketak geldi daude, FARCEko gerri lliariak paramilitar taldeak desegiteko eskatzen baitiote Gobernuari.




HENNY RAY ABRAMS / EPA

ESTATU BATUAK

Sekulako elur-bisutsak astindu du EEBBetako ekialdea

New Yorkeko biztanleak hiria zuri-zuri eginda aurkitu zuten atzo goizean esnatzerakoan. Bi elur-bisutsek indarra batu zuten, eta hiriko bi aireportuak itxi behar izan zituzten. New Jerseytik Mainera egin zuen elurra, baina Washington hiriburua ez zuen astindu ekaizak. Argazkian, New Yorkeko kale zuriak.



GHANA / AP

GHANA

Oposizioko hautagaiak irabazi ditu hauteskundeak

John Kufuor izango da Ghanako presidente berria John Atta Mills egungo presidenteordeari garaitu ondoren. Garaipen horrekin 19 urte iraun duen Jerry Rawlings militarren agintaldia bukatutzat ematen da.

Argazkian, Kufuorren jarraitzaileak, garaipena ospatzen, Akkra hiriburuan.

bertso saioa

oiartzunen

URTARRILaren 7an arratsaldeko 6tan ELORSORO kiroldegian

Andoni Egaña
Sebastian Lizaso
Jon Maia
Ametz Arzallus
Jexux M. Irazu
Joxe Agirre
Jon Martin
Anjel Mari Peñagarikano

BAI

EUSKAL HERRIARI

GAI JARTZAILEA:
Laxaro Azkune

ANTOLATZAILEA: BAI EUSKAL HERRIARI Herri Ekimena
LAGUNTZAILEA: Egunkaria
BABESLEA: OIARTZUNGO UDALA